



## COMMUNITY & ECONOMIC DEVELOPMENT OFFICE

149 CHURCH STREET • ROOM 32 • CITY HALL • BURLINGTON, VT 05401  
(802) 865-7144 • (802) 865-7024 (FAX)  
[www.burlingtonvt.gov/cedo](http://www.burlingtonvt.gov/cedo)

# Ibibazo bakunda kubaza vyerekeye ikigo Burlington Shelter hamwe n'ikigo Resource Center IBARABARA ELMWOOD, BURLINGTON

1. **Ni ibiki biriko biraba kuri City-Owned igituro kw'ibarabara Elmwood?** Igisagara kiriko gisaba ikoreshwa vy'agateganyo ry'igituro c'ibarabara Elmwood nk'ubwugamo bwihuta bw'abantu badafise amazu mu kibano cacu, cane cane abadafise aho baba. Iki kibanza kizokwubaka ikigo Community Resource Center (CRC). **Ushobora kuronka hano amakuru agezweho kuri uwo mugambi:** <https://www.burlingtonvt.gov/CEDO/Ending-Homelessness>. Dutegura gutangura gukora ku kibanza muri Rusama hama turonke inzu yo mu kibano na CRC kugeza mu ci.
2. **Kubera iki turiko turakora ibi?** Igitigiri c'abantu badafise aho baba kibandanya kwiyongera hafi incuro zitatu y'urugero rw'imbere y'ikiza kandi kuja mu mazu yihuta bivana n'urugero rw'intambamyi zabonetse mu gihe c'imbeho yo mu 2021. Kuwa 16 Kigarama 2021, umukuru w'igisagara Weinberger yasohoye indangabikorwa kugira ashitse ivyo yemeye ku buraro nk'uburengazira bwa muntu. Iningo cumi z'imigambi zarimwo igitigiri c'utwigoro tugizwe n'iyubakwa ry'amazu aciriritse muri Burlington.

Igenzura ryo mu 2021 hamwe n'isekeza vyakozwe n'igisagara ca Burlington vyarashigikiye bikomeye ikoreshwa ry'imfashanyo kugira bafashe abasanzwe batagira uburaro kandi batore inyishu zo gutanga ingurane, atabusumbane hamwe n'inyishu ku buraro bw'abantu bose. Uburyo bwo kwubaka bwarerekanye ububasha bwo gukura abantu mw'ibarabara bakajabuka baja mu mazu aramba mu bisagara vyo muri reta zunze ubumwe kandi ni uburyo bunyaruka, inyishu yizewe kugira ba ntahonikora baronke uburaro muri kazoza ka hafi. Kuwa 7 Ruhuhuma 2022, abajejewe kurongora igisagara baremeje atan'umwe avuyemwo ikoreshwa rya miriyoni z'amadorari 2.975 za ARPA zigenewe ikibazo gikomeye co kubura uburaro. Imfashanyo irimwo ukwubaka uburaro mu kibano muri uwo mwaka na Community Resource Center. Igisagara kizoba kirasaba ubufasha bw'inrongera kugira ikibanza gikorwe bivuye mu biro vy'ikigega c'uburyo bwa reta. CRC yarahawwe agashimwe k'inrongera k'amadorari 365,000 mw'itegeko ryo mu nama nshingamateka.

3. **Hazoba ubuhe bwoko bw'iterambere?** Igisagara kizogura kandi cegeranye inzu ntoya 30, amahema kugira rimwe rifashe umuntu umwe wo mu muryango (amahema atanu azoshobora guha uburararo abantu babiri, nimba hari abubakanye bipfuza kuba mw'ihema rimwe). Kugeza ku bantu 35, buzuye. Ikibanza kizoba kirimwo kandi inzu zuzuriyeho zizoba zirimwo utuzu twa surwumwe (6)/ aho bakarabira/inzu z'ubwogero zizoba zifatanye n'aho bavomera amazi hamwe n'ahatwara imicafu yo muri ico kibanza. Ico kibanza kizoba gifise umuco ukwiye hamwe n'umuyagankuba utanzwe ku nzu

30. WIFI izoba iriho mu kigwati cose. Hazoba hariho ikibanza kigenewe imyanda, amakinga hamwe n'utumeza two kuruhukirako hanze. Igisagara kizotanga kandi inzu yuzuriyeho kugira ifashe nk'ibiro (CRC) vyo muri ico kigwati. CRC izoshiramwo kandi ubwogero bw'inyongera, igikoni, ibiro hamwe n'ahantu hagutse hafasha amazu yo mu kibano hamwe n'abandi bakeneye kuruhuka ku murango, ivyokurya, agahawa, n'ibikoresho vy'isuku. Hazoba hariho kandi akaryo ko guhura n'abajejwe gutanga ingurane z'uburaro, abajejwe amagara y;'abantu, harimwo gukira, indwara zo mu mutwe hamwe n'izindi serivise. Umugambi utegerezwa kwubaka inzu nziza kandi zizewe. Hazoba hakenewe kuronka uruhusha rwa zone hamwe n'uruhusha rw'abagenduzi bajejwe inyubako mu gisagara.
4. **Kubera iki kibanza catowe vyongeye ni ubuhe burusho bw'iki kibanza?** Inyuma yo kwiga ibanza cumi bikenewe, basanze Elmwood Avenue Parking lot arico gisagara gifise ikibanza gikwije ibisabwa n'uwo mugambi kubera hegereye uruja n'uruza, serivise hamwe n'inyubako kandi biroroshe kwungikanya ku muriro w'akarere, amazi n'ubucifu. Igisagara kiriko kirabasa gukoresha igituro kugeza ku mezi 36 kugira gikore nk'ikibanza c'aya mazu yihuta, bifadikanje na CRC hamwe n'inzu zihuta mu gutanga serivise zikenewe bitagoranye. Izindi serivise nyinshi abantu batagira uburaro bakeneye kuronka ziri hagati mu gisagara. Ihuriro ryacu riri hagati mu gisagara. Iki ni ikibanza co hagati, hari mu minwe y'igisagara, nyabagendwa, kandi hegereye serivise n'inyubako.
5. **Ni ubuhe bwoko bw'inzu buzokwubakwa vyongeye ikibanza gitunganijwe gute?** Iki gitegekanijwe kuba ikibanza giteguwe neza kandi cakira vyihuta abadafise uburaro. Iki kibanza kizotunganywa n'ishirahamwe dukorana. Ikibanza kizohora gikora cisunze amategeko y'ighuguy'amazu yihuta. Ayandi mashirahamwe azotanga kandi serivise zifasha abantu hamwe n'ubufasha ku bashitsi. Insiguro y'[itegeko ritanga uburenganzira](#) rirahinduka ariko ibikenewe nyamukuru kugira winjire ni bike canke biri ku rushi. Kwibanda kw'[igabanuka ryo kunywa ibiyayuramatwe](#)', itegeko ritanga uburenganzira bwo kuronka inzu rishishikariza abitabiriye ibikorwa kwegera ahatangirwa serivisi hanyuma barondere uburyo mu gukuraho intambamyi zo kubushikira. Ibi ntibisigura ko hatariho urugero ku nyifato. Hari ivyo twitega kugira abagize ikibano cacu bakurikiza bijanye n'itegeko kandi bakitwara mu buryo budateza impungenge kandi bwisoneye. Ibikorwa bitemewe n'amategeko bizorwanywa, nk'ibirwanisho. Ibikorwa vy'ikibanza bizoshirwamwo iyandika ryemewe hamwe n'abashitsi bitezwe bizomenyeshwa neza no gushikira abashitsi bitangiranye, kandi abakozi bose n'abakorerabushake bategerezwa kumenyera no guhabwa inyigisho zo kwakira abantu neza. CRC izokomeza gukorera mu biro vy'ikigega vya Champlain Valley Office of Economic Opportunity.
6. **Igisagara kiriko gikorana gute n'abantu babaye mu ngorane zo kubura uburaro kuri iyi migambi?** Iyi migambi umwe wese wari wateguwe harimwo amakuru n'amakuru avuye mu bantu babaye muri ubwo buzima, abakozi bashika ku kivi, hamwe n'amashirahamwe dukorana. Uku gushika ku kivi hamwe no kuganira kurabandanya. Twisunze amakuru yavuye mu bantu turazi ko hariugukenerakubwoko butandukanye bw'uburaro bwihuta. Abantu bamwe bamwe basanga ba dashobora kumererwa neza mu ma hoteri, abandi bantu bafise ingorane zo kuronka uburaro hamwe n'ibikoko vyabo. Utu ni uturorero tw'amakuru yo mu kibano.
7. **Ninde azoba mu kibanza?** Twisunze amabwirizwa y'ighugu agenga uburaro bwihuta, abashirwa imbere bategerezwa kuba aba bakurikira: Abadafise aho baba, bitwa ababa mw'ibarabara kandi baba mu nzu y'uburaro batirihira ubwabo, harimwo abahunga ingo canke ihohoterwa rishingiye ku gitsina, ababa mu kibanza kitari inzu y'uburaro, abimirije kwugarirwa inzu. Itangwa rizohagarikirwa n'izindiservisi ziejwe gutanga uburaro hamwe na 211, kugira vyorohe gushikira abarondera uburaro bwihuta.
8. **Kubera iki gisagara kitoshira abantu mu mazu agerekeretse canke mu zindi nzu?** Duhanganye n'ubukene bw'amazu azimbutse mu ntara ya Chittenden. Sisiteme y'amazu y'i Burlington ifasha abantu benshi mu kibano cacu bafise ingorane z'uburaro, ariko ntibikora ku bantu bose. Akarorero,

amazu ntiyemerewe guhabwa abubakanye badafise abana. Ntibikora neza kandi ku bantu bafise ingorane zo kuba kumwe n'imigwi myinshi y'abantu, abenshi muri bo bafise akahise ko kugira agahinda kadahera no/canke bashobora kuba mungorane. Vyongeye, ibitanda vyo mu mazu yacu yihuta biruzuye. Uburaro bwihuta bwatanzwe na reta mu mahoteri ibitanda vyabwo vyama buri gihe vyuzuye mu ntara ya Chittenden. Amazu yo mu kibano, nk'ayandi mazu y'ibigo vyihuta, afise intego yo gutanga ibibanza vyizewe vy'umwanya muto ku bantu babibamwo kugeza bashoboye kuronka amazu.

9. **Haravuzwe ingorane nyinshi mu kibanza kibamwo abadafise uburaro i Sears Lane. Ntikwoba ari ukwimirira ingorane ahantu hashasha?** Ikibanza Elmwood cageneWE kurwanya ingorane nyinshi zagaragaye i Sears Lane. Akarorero, hazobaho ukugabanya igitigiri c'abantu bashobora gukoresha ikibanza. Ikibanza Elmwood Ave kizotanga uburinzi bwinshi hamwe n'ibikorwa vya muntu gusumba ivyo muri Sears Lane, vvari vyubatswe harimwo umuriro wizewe, amazi, n'ahaca imyanda. Ikibanza ca Elmwood Ave kizoba gifise ubwogero hamwe n'amazi yo hejuru n'umuyagankuba. Abantu bazoba mu mazu ashushwa, atari amahema, kandi hazoba hari abakozi bajejwe itunganya ry'ikibanza, ingorane z'itunganywa hamwe n'izindi serivise zo mu buzima bwa minsi yose.
10. **Ni ubuhe bwoko bwa serivise buzotangwa?** Ishirahamwe dukorana rizoba rifise abakozi bashobora gufasha, canke guhuza abantu n'abahagarariye uburaro, amagara y'abantu (harimwo ingorane zo mu mutwe n'ibiyayuramutwe bikoreshwa), hamwe no gutanga ibikenewe buri munsi. Abakozi bazohagararira kandi itunganywa n'ibungabungwa ry'amazu n'aho bakirira abashitsi mu kwinjira no mugusohoka. Amazu azoba ahagarariwe amasaha 24 ku munsi. Ikigo Community Resource Center gitanga ikibanza ciza kandi gitekanye, imfungurwa zishushe, ibikenewe vyose, umuyagankuba, imashine nyabwonko, impanuro ku buraro, inzu hamwe n'ibindi vyinshi.
11. **Nokora iki kugira mfashe?** Turindiranye igishika gukorana nawe, twese turafise uruhare rw'ico twokora mu gufasha abagize ikibano gusubira mu mazu. Turizeye ko dushobora kwisunga aba bantu b'umutima mwiza mugufata umwanya wabo n'ivyiyumviro kugira bashigikire inguvu z'abantu bo kibano. Umugambi uzoshigikirwa n'umugwi wo mu kibano mu kugabanya inzitizi, ubwoba n'indyane, hanyuma batore runtu inyishu nk'umuryango. Ubu buryo bw'inama burakora neza mu bindi bibanza vy'uburaro mu gihugu cose kandi bituma abagize umuryango baja hamwe, abashitsi, abakozi, abakorerabushake, abagize ikibano, ababanyi, abihebeye Imana, abaharanira impinduka, abadakorera inyungu, abadandaza bo mu karere, reta y'akarere n'abandi. Muguhura hamwe no mukuganira ku bibazo canke ingorane ziri mu kibano no mu kumenya uburyo bwo kuganira, dushobora kwubaka imigenderanire yo gufasha kugabanya uruhagarara, kwinubana n'indyane, hanyuma tugakorera hamwe mu buryo bwo kwiteza imbere.

Nk'uko ikigo cuguruye ubuhanuzi, igisagara hamwe na serivise zitangwa zizoshobora gusangira vyinshi vyerekeye ibikenewe vyihariye n'ibisabwa. Imfashanyo z'ibifungurwa n'ibindi bikoresho bishobora gusabwa ariko bifasha cane muri rusangi, kandi bitononekara ningoga, nimba bikoreshejwe mu buryo bwiza.